



UNIVERSITÄTS-
BIBLIOTHEK
PADERBORN

Universitätsbibliothek Paderborn

Indvstria Spiritvalis

Spee, Friedrich von

Coloniæ Agrippinæ, Anno M.DC.XXXIX.

Oratio valdè deuota qua homo se & omnia sua Deo offert.

urn:nbn:de:hbz:466:1-43756

Peto quod petiuit latro pœnitens.
Plagas, sicut Thomas, non intueor,
Deum tamen meum te confiteor.
Fac me tibi semper magis credere,
In te spem habere, te diligere.
O memoriale mortis Domini,
Panis viuus, vitam præstans homini:
Præsta meæ menti de te viuere,
Et te illi semper dulce sapere.
Pie Pellicane Iesu Domine,
Me immundum munda tuo san-
guine:
Cuius vna stilla saluum facere.
Totum mundum quit ab omni sce-
lere.
Iesu, quem velatum nunc aspicio,
Oro fiat illud, quod tam sitio:
Vt te reuelata cernens facie,
Vilu sim beatus tuæ gloriæ, Amen.

*Oratio valdè deuota qua homo se & om-
nia sua Deo offert.*

Domine omnia tua sunt, quæ in
caelo sunt & in terra. Desidero
meipsum

meipsum tibi spontaneam oblatio-
 nem offerre, & tuus perpetuò per-
 manere. Domine in simplicitate cor-
 dis mei offero meipsum tibi hodie
 in seruum sempiternum, in obse-
 quium, & sacrificium laudis perpe-
 tuæ. Suscipe me cum hac sancta ob-
 latione tui pretiosi corporis, quam
 tibi hodie in præsentia Angelorum
 inuisibiliter assistentium offero, vt
 sit pro me, & pro cuncto populo tuo
 in salutem. Domine offero tibi om-
 nia peccata, & delicta mea quæ com-
 misi coram te, & sanctis Angelis tuis,
 à die quo primum peccare potui,
 vsque ad diem hunc, super placabili
 altari tuo, vt omnia pariter incendas
 & comburas igne charitatis tuæ, &
 deleas vniuersas maculas peccato-
 rum meorum, & conscientiam meã
 ab omni delicto emundes, & resti-
 tuas mihi gratiam tuam, quam amisi
 peccando, omnia mihi plenè indul-
 gendo, & in osculum pacis me mise-
 ricor-

ricorditer assumendo. Et quid pos-
sum agere pro peccatis meis, nisi hu-
militer ea confitendo & lamentan-
do, & propitiationem incessanter de-
precando? Deprecor te, exaudi me
propitius, vbi aſto corā te Deus me-
us. Omnia peccata mea mihi maxi-
me displicēt; nolo ea amplius vnquā
perpetrare: Sed pro eis doleo, & do-
lebo, quamdiu vixero, paratus pœ-
nitentiam agere, & pro posse satisfa-
cere: Dimitte mihi Deus, Dimitte
mihi peccata mea propter nomen
ſanctum tuū, ſalua animam meam,
quam pretioſo ſanguine redemiſti.
Ecce cōmitto me miſericordiæ tuæ,
reſigno me in manibus tuis, age me-
cum ſecundū bonitatē tuam, & non
ſecundum meam malitiam & iniqui-
tatē. Offero & tibi omnia bona mea,
quamuis valde pauca & imperfecta,
vt tu ea emundes & ſanctifices, vt
ea grata habeas, & accepta tibi fa-
cias, & ſemper ad meliora trahas,
nec

nec non ad beatum & laudabilem fi-
 nem me pigrum & inutilem humū
 cionem perducas. Offero tibi quoq;
 omnia desideria deuotorum necessi-
 tates parentū, amicorum, Fratrum
 sororum, & omnium charorū meo-
 rum, & eorum qui mihi vel alijs pro-
 pter amorem tuum benefecerunt,
 & qui orationes pro se, & suis om-
 nibus dici à me desiderauerunt &
 petierunt, siue in carne adhuc viuāt,
 siue iam sæculo defuncti sint, vt
 omnes sibi auxilium gratiæ tuæ, o-
 pem consolationis, protectionem
 à periculis, liberationem à pœnis
 aduenire sentiant, & vt ab omnibus
 malis erepti gratias tibi magnificas
 læti persoluant. Offero tibi etiā pre-
 ces & hostias placationis pro illis spe-
 cialiter, qui me in aliquo læserunt,
 cōtristauerūt, aut vituperauerūt vel
 aliquod damnū vel grauamen intu-
 lerūt. Pro his quoq; omnibus, quos
 aliquando contristauī, conturbauī,
 gra-

grauaui, & scandalizaui verbis, factis,
scienter & ignoranter, vtnobis om-
nibus pariter indulgeas peccata no-
stra & mutuas offensiones. Aufer
Domine à cordibus nostris, omnem
suspicionem, indignationem, iram
& disceptationem, & quicquid po-
test charitatem lædere, & fraternam
dilectionem minuere. Miserere Do-
mine, misericordiam tuam poscen-
tibus, da gratiam indigentibus, & fac
nos tales existere, vt simus digni
gratia tua perfrui & ad vitam pro-
ficiscamur æternam, Amen.

F I N I S.